

Te Reo Pāngarau Kaupae 1

Te Pūrongo Aromatawai ā-Waho 2025



Te Marautanga o Aotearoa	Pāngarau - Te Reo Pāngarau
Te Rā Aromatawai	19 – 30 o Mei, 2025
Te Momo Aromatawai	Tūmahi Aromatawai Pātahi (TAPā)
Ngā/Te Paerewa Paetae	32412

Te Wāhanga 1: He Tirohanga Whānui

Mō ngā ākonga e rumakina ana ki te reo Māori te Paerewa me te Aromatawai ā-waho nei a Tūmahi Aromatawai Pātahi (TAPā). Ka aromatawaingia te whakamahinga o te pāngarau hei whakaoti rapanga o te ao o te ākonga.

Te Wāhanga 2: He kōrero mō te Paerewa

32412: Te whakamahi pāngarau hei whakaoti rapanga o te ao o te ākonga

Te Aromatawai ā-Waho:

Ka whakamahi rautaki hei whakaoti rapanga e hāngai ana ki te ao o te ākonga. He aromatawai wā-here, arā, he TAPā 90 meneti te roa. Ka taea te whakamahi tātaimai mai i te rārangi tātaimai kua whakamanahia e NZQA. Me whakaatu māramatanga ki ngā putanga ako me ngā whenū: Te Tau me Te Taurangi, Te Ine me Te Āhuahanga, me Te Tauanga.

Te Pūrongo Paerewa:

Ko ngā Ākonga i **whakawhiwhia** ki te paerewa nei:

- I whiriwhiri i te pāheko, i te whakaahuahanga, i te taurangi, i te tikanga tika hei whakaoti rapanga;
- i mārama/mōhio ki te tātai i te hautau o tētehi tau;
- i mārama/mōhio ki te tātai i te ōrau o tētehi tau;
- I whakamahi i ngā tikanga pāngarau e hāngai pū ana ki ngā whakaaro whānui, ki ngā pūāhua hei whakaoti rapanga;
- i whaakatu me te whai māramatanga ki te rautaki o te ture a Pythagoras;
- I mārama/mōhio ki te whakaawhiwhi i te tau;
- I āta mahi me te hoki ki te aromātai anō i te otinga.

Ko ngā Ākonga **kāore i whakawhiwhia** ki te paerewa nei:

- kāore i whakamahi i ngā tikanga pāngarau tika hei whakaoti rapanga;
- kāore i whakaoti rapanga ki te hua mutunga;
- kāore i whiriwhiri i te paheko e tika ana;
- kāore i mōhio ki ngā ahunga o te kāpehu;
- kāore i whakamahi i ngā ture whakawhiti i te tau mō te pū;
- kāore i whakamahi tika i te ture a pythagoras hei whakaoti rapanga;
- kāore i āta mahi, i aromātai hoki i ngā otinga.

